

地360.93  
1341  
部=1-3



平遠州志  
上

書

号

函 三 册

登錄 99797

平遠州志

平遠州志复制說明

平遠州志，計十六卷，劉再向、張大成、謝賜  
銷在知州李云龍主持下纂修，於清乾隆二十一年  
付梓。原書版框高二〇·七公分，寬一四公分，  
今據北京圖書館藏原大晒影本复制。

在复制時，根據道光「平遠州志」光緒「平遠  
州續志」及道光「大定府志」校正了一些錯字；  
還有些模糊不清的字，係照故宮博物院所藏原刻  
本補入。為了保存原書面貌，舉凡校改之字，均

平遠州志

复制說明

列入附录校字表中，藉供參考。如有錯誤和不安  
之處，請讀者指正。

承北京圖書館借給藏本，故宮博物院代為查補  
部分模糊不清之字，謹在此一併致謝。

貴州省圖書館

一九六四年十月

平遠州志序

周禮外史掌四方之志志卽史也史記八書漢書變為十志范氏後漢書爰有八志歷代史家悉取裁之其中彙聚部分綱目體例卽纂述志乘者亦咸奉以為正鵠而無所於軼然其間有難易焉述易而作難作於聲名文物大備之地易作於雕題鑿齒文獻無徵之地難惟其無徵不獨作難而述亦匪易也平遠古為羅甸蟠踞之鄉獸伏鳥居長其子孫元明皆授以宣慰司之職然不過羈縻之

平遠州志

序

而已千年氣運必有自開我

聖祖仁皇帝平安坤之亂取其地而郡縣之掃其機槍奠之磐石聲靈之赫幅幘之廣亘古未有乃巨魁彙磔四十八部之衆泥首効誠而音語則鈎鞞格磔非譯不通間或用書契而字如蝌蚪不可辨識此無論千餘載之官師賦役戶口土田茫乎無可舉似卽丹山碧水嘉植奇琛亦沉霾消滅於蠻氛瘴氣中耳夫以濟濟火之豪雄普露普貴之共順阿畫靄翠之父子濟美奢奢助之婦姑嗣微使生

禮義之鄉沐浴至教粹然一出於正其卓卓可傳  
無疑即不然亦人之所難能而可貴而今能舉其  
姓氏者幾何人耶且此數者皆蠻之君長與君長  
之婦赫赫者尚若此又何況匹夫匹婦之至性激  
發喜怒哀樂中乎節死生利害不撓乎心者之不  
能自拔於狃獠之俗乎舊志為錢塘俞公所撰窮  
搜極討略而不詳厥後穎川鹿公復加採集惜未  
成書若名官鄉賢文苑三者俱廢則其地與時之  
囿而濟濟火等不為文傳非其遺憾歟余承乏茲

平遠州志

序

二二

土甫下車即思興廢振墜修

文廟建書院二者幸藉手告成惟志乘獨需時日而  
乃茲延訪故老及郡中能文學之士相與參考繁  
徵博引必存必詳要使後之君子閱建置城池疆  
域兵防而思救甯閱賦役而思拊循閱職官公署  
而思忠蓋閱學校風俗人物而思整齊而化導則  
是編也豈獨為徵文考獻之一助乎哉

時

乾隆二十有一年歲次丙子重九晉安李雲龍撰

舊序

平遠為水西北喇地世為安氏所踞跳梁反覆封疆大吏未能安枕甚且肆其蹂躪而克逆之勢益張其為患竟與明朝相終始迨入

國朝猶然負固康熙三年

上命重兵征之始收其土地籍其人民建郡設官與大定黔西威寧並列四郡而平遠為之冠無何吳三桂叛逆土人首尾其間陰相糾煽欲以抗大軍之麾迨吳逆翦而原土人有阿五者求安坤之妻祿

平遠州志

舊序

三三

氏於其母家指一子為安氏遺孽奉以為主冀朝廷罷協鎮重兵還其疆土賴

聖天子之明毅然不允惟賜宣慰虛銜羈縻之因以折其陰奸使不得逞未幾平遠與黔西悉改為州前之郡首別駕席未暖遽去人文風俗未及轉移而溪山諸勝亦汨沒林莽不暇搜求嗣是州牧項背相望諸當事撫綏懷柔詩書禮樂漸摩二十年學校聿新科名鵲起而文物風景亦遂可著之紀載形之咏歌視向之兵戈充斥樸畧無文者亦已遠

矣嗚呼豈不在人哉余於某年由粵東連州倅來  
判斯州遇同年黃樵谷昔為平遠倅乃以向日踐  
履所識備道其槩以策余行而尤以建學修志諫  
諫為囑余用是竊有志焉簡編缺然無所忝訂姑  
即一二十大端如學宮學田不遺餘力以求盡一日  
之職守迨事成而紀之書功就而載之言以推夫  
星土山川之大旁通於兵農禮樂文武人物神祠  
之間下而至於昆蟲草木之細兼該博采纂為十  
六卷自康熙四年建設以來至今僅四十載而卷

平遠州志

舊序

四四

帙已如此使由此而往踵事增華所志又寧有量  
哉然則此篇特權輿耳慨自濟火歸誠蜀漢而後  
千百餘年其間豈無英特之才拔萃超羣之品足  
以書簡冊昭來茲顧乃湮沒無聞獨其戰鬥犯叛  
之事中土操管者一一備載致使其山川亦且黯  
然削色而况於人乎吾願產斯土者化其弓刀荼  
毒之氣而遊於仁義之鄉牧斯土者澹然無欲與  
苗民休息於耕桑衣冠之地則生養遂教化行文  
物明備將以潤隆平而比中土矣寧獨此編而已

乎吾是以畢然有望於後之君子也

康熙四十有一年歲次壬午仲冬錢塘俞九成撰

平遠州志

舊序

五五



舊序

志為紀載之書所以信令而垂後故九州之志掌於職方凡百郡邑莫不各有成編以備輶軒之采輯雖體裁詳畧不同叙述簡縟各異而要之山川形勝財賦物產人物事功及文藝之足供流傳叢談之足廣見聞者所在多有平遠本水西地原屬要荒開拓未久樸略簡陋之風勢所不免予於己巳元正來牧茲土與士民相見竊喜其人文秀板風俗淳龐蓋

平遠州志

舊序

六六

國家百年培養之恩無遠弗屆而士民之陶冶於德禮者深宜其蒸蒸日上也下車後相與休息予既樂此地之善而民亦安予之拙獨受任年餘鞅掌奔馳未能少補斯土又荷諸上憲甄選調任將有威寧之行不能不繾綣於懷也會郡伯王公以西江名宿來守此邦期月之間不令而行不勞而理每於退食之暇殷然有懷念大定為全黔西北股肱雄郡而志無成書文獻之無徵是守土者之責也爰命各輯邑志彙於郡志以昭示來茲是

以散木弱質亦得登匠石之室而邀其斤斧予忝  
在屬末何能不與平遠人士同踴躍而趨事惟觀  
州之志草創於前太守邱公業別駕查公函繼以  
兵燹散失前牧劉公淳廣文田君祖從而編輯之  
及錢塘俞公九成牧此土而囊括時事潤色前編  
集為十六卷此康熙四十一年事也維時建置未  
久事實無多而首事踵事者已汲汲若是是誠有  
心人哉予不敏敢不敬承厥緒於是延鄉先生之  
有達識者多見聞者習風土而能記憶者偕廣文

舊序

七七

平遠州志

曹公海不惜公餘焚膏潛為增易仍其舊補其新  
發其凡就其例以備採擇顧其中紀載猶多簡畧  
亦以地本荒外載籍莫稽耶集本地事實備一隅  
之觀助為山一簣不敢少涉鋪張懼失實也然玉  
可輝山珠能媚水人文風教積久而昌况今

聖天子在上加意邊陲 賢執政接跡多方教養天時  
人事日起有功其所以焜耀簡編流光奕奕者正  
未有艾但使士不以邊方自待狹小其規模民不  
以爭訟為長相安於隴畝薰陶漸染刮垢磨光將

冠裳之風化及弁服詩書之澤徧彼鳥言文教振  
而禮樂興人物盛而事功起凡可以增光史冊者  
當有日新其於牧養斯土者之意度幾藉慰而與  
有榮光矣予行與薦紳父老別臨歧戀戀為數言  
於篇首且以望之後來焉

時

乾隆十有五年歲次庚午小陽月知州事潁川鹿  
驄豫書於州署之桂蔭軒中

平遠州志

舊序

八八

平遠州志

凡例 俞本三條

一平遠州志創於知府邱業通判查函兵燹後散佚無存繼知州劉惇學正田祖復行編輯雖規畫將成而缺略未備今重加修纂細為考訂寧詳勿略庶免挂漏之譏文物則聲教初開俗尚則漢苗各異輿圖形勝爰徵扼要之區賦役兵防實紀經緯之數悉行採入以資觀覽

二學校為起化之原而 廟廡尤具瞻之地故詳紀

平遠州志

凡例

九一

其廢興以見

聖朝文德誕敷 列憲興行教化雖窮陬僻壤無或少遺更採闕里樂儀附於編端以俟振興之君子

一文藝書篇不能徧加采擇惟關政務切景物者援例附入然其間有因人而存詩者亦有因詩而存人者未可槩論識者辨之

鹿本凡例六條

一貴州通志分布天文地理等八綱分統衆目此志目次悉仍其舊以存前人面目

一州城何係土築修補實難舊志議以營庄變價修理詳載批准公文以為修城之地今已請帑砌石可無兵民分修之苦矣今補入石城一段刪去一切案牘以省繁翳

一賦役戶口舊志多與今數不合今悉照報部冊籍開載

一祠祀非關祀典及名勝勅建者例不得載舊志悉載入今姑仍之以昭詳晰耳

一選舉通志進士舉貢而外惟武進士例得載入舊

平遠州志

凡例

十二

志武舉監生俱載今亦仍之以著人物之盛云

一學田聚訟公文舊志詳載今摘錄其要以省繁文其餘呈狀學中自有案牘可考

續增凡例五條

一舊志疆輿無圖式今補載四至圖一城圖一學宮

圖一書院圖一州署圖一後山圖一以便觀覽

一人物舊志缺而不錄漢濟濟火元阿畫明竊翠等俱未立傳茲將濟濟火等補入人物以孝義節烈

隱逸流寓附之

一祥異藝文並孝義節烈諸條有近今之事舊志所  
無者悉為補入

一舊志詳略多未悉當至鹿公重加修纂庶幾完備  
茲志仍鹿本增訂似無遺漏

一舊志小傳本不應存但修之於前使後有所恭攷  
茲悉錄刊以明創因之意也

平遠州志

凡例

三十一

纂修

平遠州儒學學正 劉再何

平遠州儒學訓導 張大成

原任安順府學教授 謝賜銷

分修

舉 人 謝澤

舉 人 鍾公靈

舉 人 陳世榮

拔 貢 生 謝濤

平遠州志

歲 貢 生 濮之梅

校刊

廩 膳 生 員 胡瓊

廩 膳 生 員 謝灝

廩 膳 生 員 程登儀

附 學 生 員 周鉅

平遠州志目錄

卷之一

星野

附 風氣

占候

卷之二

疆域

附 輿圖

形勢

關塘

郵遞

卷之三

建置

卷之四

山川

附 橋梁

溝洫

勝覽

古蹟

平遠州志

目錄

一  
三

卷之五

城池

附 市肆

倉儲

養濟

卷之六

賦役

附 戶口

田賦

課程

糧里

廩祿

卷之七

職官

附 公署

卷之八

兵防

附 武職

公署

卷之九



學校 附 學田 名官 鄉賢

卷之十

選舉 附 武舉 監生

卷之十一

風俗 附 苗彙 種類

卷之十二

人物 附 孝義 節烈 隱逸 流寓

卷之十三

祠祀 附 寺觀

平遠州志

卷之十四

物產

卷之十五

祥異

卷之十六

藝文

目錄